



PREZIDÉNSIA KONSELLU MINISTRUS

VI GOVERNUN KONSTITUSIONÁL

DILI, LORON 16 FULAN-FEVEREIRU TINAN 2016

KOMUNIKADU IMPRENSA

Sorumutuk Konsellu Ministrus loron 16 fulan-fevereiru 2016

Iha loron ne'ebé Governu Konstitusionál VI kompleta tinan ida husi ninia governasaun, Xefe Ezekutivu ne'e hasoru-malu ho membru Governu sira iha Ministériu Negósius Estrajeirus no Kooperasaun iha Dili, ba sorumutuk Konsellu Ministrus nian, hodi analiza serbisu sira ne'ebé hala'o ona iha fulan 12 ikus ne'e. Reflesaun ne'e hala'o husi responsável aas sira husi ministériu nian ne'ebé la haree de'it ba dezafiu hirak ne'ebé maka hasoru maibé mós hodi hadi'a estratéjia sira no hadi'a mós koordenasaun interministeriál.

Iha sorumutuk ne'e, Konsellu Ministrus aprova ona:

1. Rezolusaun Governu nian kona-ba Harii Komisaun ba Reforma Administrasaun Públika

Komisaun Nasionál ba Reforma Administrasaun Públika iha nia misaun atu dezenvolve polítika públika ida ne'ebé di'ak liu ba funsionamentu konjuntu órgaun, servisu no entidade sira Administrasaun Públika nian no formasaun, fortalese no valoriza rekursu umanu sira Funsan Públika nian. Ikus liu maka prestasaun servisu públiku ne'ebé efisiente, efikás liu no kualidade di'ak ba sira-nia destinatáriu sira.

Medida hirak ne'e mosu tuir aprovasaun husi Matadalan ba Reforma Administrasaun Públika nian, iha sorumutuk Konsellu Ministrus loron 9 fulan-fevereiru tinan 2015 no representa determinasaun husi Governu hodi konkretiza kompromisu importante husi nia programa.

Komisaun Nasionál ba Reforma Administração Públika hetan apoiu husi Ekipa Téknika ida ne'ebé kompostu husi representante sira instituisaun públika oioin no husi subgrupu traballu nian ida, Komité Akompañamentu husi Matadalan ba Reforma Administrasaun Públika, ne'ebé kompostu husi representante ida Prezidénsia Repúblika no representante sira sosiedade sivil nian.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608

2. Proposta Rezolusaun husi Parlamentu Nasionál ne'ebé aprova Estatutu sira Institutu Internasionál Lia-Portugés (IILP) nian

Proposta rezolusaun ne'e, ne'ebé agora Governu sei halo apresentasaun iha Parlamentu Nasionál, tuir Konstituisaun, atu hetan aprovasaun husi estatutu sira IILP nian, ne'ebé aprova ona iha Sorumutuk Ordinária XV Konsellu Ministrus nian husi Komuidade Nasaun sira Lia Ofisiál Portugés (CPLP-sigla iha lia-portugés), iha Luanda, iha loron 22 fulan-jullu tinan 2010.

Hanesan inisiativa konjunta ida husi Ministériu Negósius Estranjeirus no Kooperasaun no husi Ministériu Edukasaun Timór nian ho Komisaun Nasionál husi IILP, ne'ebé aprova ona iha sorumutuk Konsellu Ministrus, iha loorn 2 fulan-setembru tinan 2011.

IILP ne'e hatudu katak presiza atu harii polítika konkreta sira promosaun no difuzaun Lia-Portugés nian, nia internasionalizaun no afirmasaun nu'udar Lia Globál. Lihusi aprovasaun estatutu sira nian, IILP ne'e iha meu sira atubele realiza objetivu hirak ne'e.

3. Projetu rehabilitasaun rodoviária nian

Konsellu Ministrus aprova ona rehabilitasaun no hadi'a trosu prinsipál tolu ba dalan ne'ebé hale'u Kosta Norte, ho total kilómetru 97 (sianulu-resin-hitu). Estrada ne'ebé sei iha hela prosesu konstrusaun nia laran maka, Baukau-Lautein, Maubara-Karimbala no Atabae-Mota Ain, tuir nia prazu sei remata iha tinan 2018.

4. Akordu entre Repúblika Demokrátika Timor-Leste no Repúblika Kuba ba formasaun profesór sira nian

Governu aprova ona asinatura husi akordu rua ne'e entre Ministériu Edukasaun Timor-Leste no Kuba nian, ba formasaun futuru profesór timoroan sira iha Matemátika no Ensinu Rekorente.

5. Estensan Projetu apoiu tékniku ba Polísia Sientífika Investigasaun Kriminál (PCIC) no ba Kámara Kontas nian

Governu aprova ona estensan Projetu apoiu ba Polísia Sientífika Investigasaun Kriminál (PCIC-sigla iha lia-portugés) no ba Kámara Kontas. Projetu ne'e enkuarda iha Komponente Justisa Programa Apoiu ba Governasaun Demokrátika Timor-Leste nian, Kooperasaun Delega hosi Uniaun Europeia iha Portugal | Camões I.P., ne'ebé, iha kedas husi tinan 2012, parseria ida ho Ministériu Justisa Repúblika Demokrátika Timor-Leste iha ámbitu governasaun di'ak, ho komponente rua : apoiu ba PCIC no ba Kámara Kontas.



6. Memorandu Entendimentu entre Governu Repúblika Demokrátika Timor-Leste no Governu Repúblika Popular Xina nian kona-ba harii Komisaun Konjunta ida ba Kooperasaun Ekonómika no Komersiál

Governu autoriza ona ba asinatura akordu ida ne'e nian, ne'ebé prevee atu harii komisaun konjunta ida, hodi kria estrutura formál ida ne'ebé bele kontinua hala'o kooperasaun ekonómika no komersiál entre nasaun rua ne'e.

7. Rezolusaun Governu kona-ba Nomeasaun Membru sira husi parte Timoroan ba Komisaun Konjunta entre Repúblika Popular Xina no Repúblika Demokrátika Timor-Leste ba Kooperasaun Bilateral iha matéria Ekonómika no Komersiál

Tuir aprovasaun Memorandu Entendimentu uluk nian, Governu define ona representante sira husi Timor-Leste ne'ebé makaa sei halo parte iha komisaun ida ne'e, ne'ebé xefia husi Ministériu Negósius Estrajeirus.

8. Proposta Eskritura Transmisaun nian ba Santa Sé husi Direitu Superfísie kona-ba imóvel ida Estadu nian ba konstrusaun Nunsiatúra Apostólíka iha Diseze Dili

Konsellu Ministrus aprova ona termu eskritura transmisaun nian ba Santa Sé ba direitu superfísie kona-ba rai ba konstrusaun Nunsiatúra Apostólíka iha Dili, ne'ebé decide tiha ona iha sorumutuk Konsellu Ministrus iha loron 28 fulan-abril tinan 2015.

